

ERROSARIYOA.

Errezatzen astean
 Errosariyoa,
 Penik badet, nigandik
 Igesi dijoa;
 Ta biyotzetik gora
 Datorkit malkoa,
 Maitetasunak biguñ
 An sortutakoa,
 Maitetasuna bera
 Dan beziñ gozoa.

¡O malko bedeinkatu,
 Malko pozgarriya!
 ¿Zurekin agurtzen det
 Birjiña Mariya!
 ¿Non lurrean arkitu
 Itz bat añ garbiya,
 Agurtzeko mintsuen
 Ama chit eztiya,
 Biguñtasuna badu
 Izate guztiya?

Beti ¡Agur Mariya!
 Asten naizenean,
 Malkoa sentitzen det
 Nere biyotzean.
 Ala Errosariyo
 Dena bukatzean,
 Koroï bat malkoz egin
 Det ¡an! barrenean,
 Ipintzeko Amari
 Umillki oñean.

KARMELO ECHEGARAY-KOAK.